

UGOVOR O KUPOPRODAJI poljoprivredne mehanizacije, opreme i alata

Zaključen između Ugovornih strana:

1. _____ d.o.o. iz _____, ul. _____ br. _____,
JIB _____ MB _____ kojeg zastupa _____, (podaci Prodavca)
(u daljem tekstu: Prodavac)

Naziv banke Prodavca: _____ (u daljem tekstu: Banka Prodavca)
Broj računa Prodavca: _____ (u daljem tekstu: Račun Prodavca)

2. _____ iz _____, ul. _____ br. _____,
JIB/JMBG _____ MB/- _____ kojeg zastupa _____, (podaci
Kupca)
(u daljem tekstu: Kupac)

Naziv banke Kupca: _____ (u daljem tekstu: Banka Kupca)
Broj računa Kupca: _____ (u daljem tekstu: Račun Kupca)

Član 1. PREDMET UGOVORA

Predmet Ugovora je kupoprodaja poljoprivredne mehanizacije, opreme i alata koji su navedeni u ponudi/predračunu Prodavca od _____ (datum), broj: _____ (u daljem tekstu: Ponuda), a koja čini sastavni dio ovog ugovora (Prilog br. 1). Kupoprodaja se realizuje na osnovu Javnog poziva za dodjelu bespovratnih sredstava za nabavku poljoprivredne mehanizacije BTP-22 (u daljem tekstu: Javni poziv) Fondacije za održivi razvoj „Progressus“ Banjaluka (u daljem tekstu: Fondacija) i u skladu s odobrenom Prijavom na Javni poziv i Ugovorom o dodjeli bespovratnih sredstava za prijavu br. BTP-22-00_____.

Član 2. OBAVEZE UGOVORNIH STRANA

2.1 Prodavac prodaje i isporučuje, a Kupac kupuje i plaća cijeli iznos ili dio kupoprodajne cijene za ponuđeni tip i model mehanizacije, opreme i alata, u skladu s cijenom, karakteristikama i specifikacijom priloženom u Ponudi, s kojim je Kupac upoznat prije zaključivanja ovog Ugovora.

2.2 Eventualni preostali dio kupoprodajne cijene, koji je dio Prihvatljivog troška iz Ugovora o dodjeli bespovratnih sredstava između Kupca i Fondacije, Prodavcu će u ime Kupca platiti Fondacija.

2.3 Kupac je saglasan da Prodavac zadržava pravo svojine na predmetu kupoprodaje navedenom u članu 1. ovog Ugovora do konačne isplate kupoprodajne cijene.

2.4 Prodavac se obavezuje da nakon isplate cjelokupne kupoprodajne cijene isporuči predmet kupoprodaje iz tačke 1. ovog Ugovora najkasnije do roka propisanog u Javnom pozivu BTP-22 i u Ugovoru o dodjeli bespovratnih sredstava između Kupca i Fondacije na adresu Kupca _____.

2.5 Kupoprodajna cijena obuhvata sve troškove nabavke, uključujući uvoz i stavljanje u promet (carine, porez, takse i slično).

2.6 Predmet kupoprodaje/Ugovora preuzeće Kupac ili ovlašteno lice Kupca, a o prijemu će biti sastavljen Zapisnik o primopredaji. Alternativno, dostavnica ili račun koji su potpisali Kupac i Prodavac mogu biti prihvatljivi u smislu obaveze sastavljanja Zapisnika.

Član 3. KUPOPRODAJNA CIJENA, USLOVI I NAČIN PLAĆANJA

3.1 Kupoprodajna cijena s uračunatim PDV-om iz člana 1. ovog Ugovora iznosi _____, _____ EUR (slovima _____).

3.2 Kupac se obavezuje da će cijelu kupoprodajnu cijenu ili najmanje dio kupoprodajne cijene u iznosu od _____, _____ EUR (slovima), što predstavlja _____, _____% (_____ procenata) od iznosa kupoprodajne cijene, platiti Prodavcu najkasnije do roka propisanog u Javnom pozivu BTP-22 i u Ugovoru o dodjeli bespovratnih sredstava između Kupca i Fondacije, a Prodavac je obavezan da odmah po uplati ispostavi račun/avansni račun na ime Kupca za uplaćeni iznos. Račun/avansni račun obavezno treba da sadrži broj prijave na Javni poziv iz Člana 1, a avansni račun obavezno treba da sadrži izražen preostali iznos, koji u odnosu na Predračun i Prijavu treba da bude plaćen. Ukoliko preostali iznos nije naveden na avansnom računu, Prodavac se obavezuje da pisanim putem podnese molbu - zahtjev za isplatu preostalog dijela kupoprodajne cijene Kupcu, odnosno da molbu - zahtjev za isplatu zajedno sa avansnim računom preda Kupcu.

3.3 Cijelu ili dio kupoprodajne cijene Kupac će platiti isključivo prenosom sredstava sa Računa Kupca koji je otvoren kod Banke Kupca na Račun Prodavca, koji je otvoren kod Banke Prodavca.

3.4 Kupac i Prodavac su saglasni da će sav preostali iznos ili dio preostalog iznosa kupoprodajne cijene u iznosu od najviše _____, _____ EUR (slovima _____) u ime Kupca isplatiti Fondacija na Račun Prodavca, u skladu s posebnim Ugovorom o dodjeli bespovratnih sredstava između Kupca i Fondacije, u vidu bespovratne pomoći, a Prodavac je obavezan da nakon uplate Fondacije izda avansni račun na ime Kupca. Avansni račun obavezno treba da sadrži broj prijave na Javni poziv iz Člana 1.

3.5 Kupac koji ima regulisano pravo na povrat poreza na dodatnu vrijednost (PDV) obavezuje se da će u roku od 8 dana od uplate Fondacije na Račun Prodavca, a najkasnije do 9. dana tekućeg ili (ako je istekao 9. dan tekućeg) do 9. dana sljedećeg mjeseca, na Račun Prodavca uplatiti ostatak kupoprodajne cijene, a Prodavac je u tom slučaju obavezan da nakon uplate Fondacije i Kupca izda jedan avansni račun na ime Kupca. Avansni račun obavezno treba da sadrži broj prijave na Javni poziv iz Člana 1.

Član 4. OSTALE OBAVEZE UGOVORNIH STRANA

4.1 Prodavac se obavezuje:

- da će Kupcu predati predmet kupoprodaje u ispravnom i funkcionalnom stanju što se konstatuje Zapisnikom o primopredaji/u dostavnici ili na računu koji su potpisali Kupac i Prodavac,
- da servisira mašinu u garantnom roku i obezbijedi potrebne rezervne dijelove.

4.2 Kupac se obavezuje da za vrijeme dok ne isplati cjelokupni iznos kupoprodajne cijene:

- predmet kupoprodaje koristi s povećanom pažnjom sve dok se kupoprodajna cijena ne isplati u potpunosti
- predmet kupoprodaje ne daje na korištenje (privremeno ili stalno) drugim licima, fizičkim ili pravnim,

4.3 Prodavac daje Kupcu garanciju od _____ (broj mjeseci) od dana primopredaje pod normalnim uslovima rada i u skladu s razumnim i namjenskim načinom upotrebe predmeta Ugovora, te u skladu s namjenom predmeta iz Prijave podnesene na Javni poziv. Ovjereni Garantni list Prodavac će predati Kupcu nakon isplate cjelokupnog iznosa kupoprodajne cijene.

4.4 Prodavac preuzima obavezu da za vrijeme garancije obezbijedi servisiranje mašine i snabdijevanje rezervnih dijelova.

Član 5. PRELAZNE I ZAVRŠNE ODREDBE

5.1 Ugovorne strane su saglasne da za rješavanje pravnih sporova nastalih u vezi s ovim Ugovorom utvrđuju nadležnost suda prema mjestu sjedišta/prebivališta Kupca i u skladu sa stvarnom nadležnošću suda.

5.2 Odredbe Zakona o obligacionim odnosima i drugih propisa Republike Srpske, Brčko distrikta i BiH primjenjuju se i na sve što nije regulisano ovim ugovorom.

5.3 Ovaj ugovor je sačinjen u 3 (tri) primjerka od kojih Kupac zadržava jedan primjerak, Prodavac jedan primjerak i Fondacija jedan primjerak.

5.4 Ugovor stupa na snagu danom potpisivanja.

Sljedeći prilozi su sastavni dio Ugovora:

Prilog br. 1: Predračun/Ponuda

Prilog br. 2: Zapisnik o primopredaji/Dostavnica/račun koji su potpisali Kupac i Prodavac (po isporuci)

Prilog br. 3: Sva tehnička, uvozna i druga prateća dokumentacija koja prati Ugovor (po isporuci)

Mjesto: _____

Datum: _____

KUPAC

PRODAVAC
